

Meeqqaq inuusuttunillu ikorsiisarneq pillugu Inatsisartut peqqussutaata allanngor-tinneqarnera pillugu Inatsisartut peqqussutaat (Pisariaqalerfiatigut nukinnik atuisinnaaneq pillugu malittarisassanik aalajangersaanissamut tunngaviissutaasumik aalajangersagaq)

§ 1

Meeqqaq inuussutunillu ikorsiisarneq pillugu Inatsisartut peqqussutaat nr. 1, 15. april 2003-meersoq, kingullermik inatsisartut peqqussutaatigut nr. 9, 20. november 2006-imeersukkut allanngortinneqartukkut makkuninnga allannguuteqartinneqarpoq.

1. § 23 imm. 1, imatut oqaaseqartalerneqassaaq:

"Ulloq unnuarlu paaqqinniffit pilersinneqarnissaannut, pisatsersornissaannut, siulersorneqarnissaannut ingerlanneqarnissaannullu aammalu paaqqinniffinni perorsaanermik suliaqarnermut aamma nakuuserneq pillugu malittarisassanik Naalakkersuisut aalajangersaassapput."

2. § 26-ip kingornatigut immikkoortutut nutaatut ikkunneqassaaq:

"Meeqqaq inuusuttunullu ulloq unnuarlu paaqqinniffinni immikkoortortat isumannaallisakkat"

§ 26a. Naalakkersuisut meeqqaq inuusuttunullu ulloq unnuarlu paaqqinniffinni immikkoortortanik isumannaallisakkani pilersitsisinnaapput, tamanna pisariaqartinneqarpat.

Imm. 2. Meeqqaq inuusuttunullu ulloq unnuarlu paaqqinniffinni immikkoortortaq isumannaallisagaq tassaavoq, immikkoortortaq akuerineqarluni matunik silarlernik igalaanillu parnaarsimajuartsiviusartoq.

Imm. 3. Naalakkersuisut meeqqaq inuusuttunullu ulloq unnuarlu paaqqinniffinni immikkoortortani isumannaallisakkani naammattunik inissaqartitsinissaq nakkutigissavaat.

Imm. 4. Naalakkersuisut meeqqaq inuusuttunullu ulloq unnuarlu paaqqinniffinni immikkoortortanut isumannaallisakkutanut sukumiinerusunik maleruagassiussapput.

§ 26b. Meeqqaq inuusuttullu politiinit tigummigallagaasut eqqartuunneqarsimasulluunniit meeqqaq inuusuttunullu ulloq unnuarlu paaqqinnittarfinni immikkoortortanut isumannaallisakkutanut inissinneqarsinnaapput. Aalajangersagaq aamma atorneqassaaq meeqqaq 12-nik – 15-nillu akornanni ukiulinnut, sakkortuumik pinerluuteqarsimasunut, aamma meeraq eqqarsaatigalugu inissinneqarnissaa piumasarineqavippat.

Imm. 2. Meeqqaq inuusuttunullu ulloq unnuarlu paaqqinnittarfimmi immikkoortortamut isumannaallisakkamut inissiineq, ulloq unnuarlu paaqqinnittarfiup tulleriissaarisartuanit akuerineqassaaq.

§ 2

Inatsisartut peqqussutaat atuuttuulissaaq 1. januar 2009.

Namminersornerullutik Oqartussat, ulloq 5. december 2008

Hans Enoksen

/

Naja Petersen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut